

Sporazum o uspostavljanju

Mreže za razvoj i profesionalizaciju prevencije ovisnosti u BiH

Sporazum o uspostavljanju Mreže za razvoj i profesionalizaciju prevencije ovisnosti(RIPPO) u BiH

Mreža će predstavljati instancu, koja s jedne strane, zajedno sa mladima, artikulira njihove interese na stručan način, a sa druge strane utiče na donosiocima odluka i ubrzava proces strukturalnog integriranja prevencije ovisnosti u političke, zdravstvene i omladinske programe u Bosni i Hercegovini.

Potpisnici ovog Sporazuma:

- Imaju namjeru da rade na uspostavljanju „Mreže za razvoj i profesionalizaciju prevencije ovisnosti u Bosni i Hercegovini“ (u daljem tekstu Mreža RIPPO), kroz zajedničke aktivnosti u okviru definiranih strategija i akcionih planova.
- Vođeni su najboljim interesima djece i mladih, kako bi programi i aktivnosti bili usmjereni na uzroke ovisnosti te na jačanje zaštitnih faktora zdravog razvoja djece i mladih u BiH.

Sporazum o uspostavljanju Mreže RIPPO:
Između:

Naziv organizacije/institucije: Udruženje za prevenciju ovisnosti NARKO-NE
Pravno sjedište: Zagrebačka 18, 71000 Sarajevo, Bosna i Hercegovina
Pravni zastupnik: Amir Hasanović

Naziv organizacije/institucije: Javna ustanova "Terapijska zajednica Kampus" Kantona Sarajevo
Pravno sjedište: Iznad sela Kešelji bb, 71217 Rakovica
Pravni zastupnik: Kemal Mušinbegović, v.d. direktor

Naziv organizacije/institucije: Omladinski klub "Pod istim suncem"
Pravno sjedište: Trg oslobođenja b.b. Jablanica
Pravni zastupnik: Haris Halilhodžić

Naziv organizacije/institucije: Udruženje Institut za razvoj mladih KULT
Pravno sjedište: Banjska 2, Ilidža 71210
Pravni zastupnik: Vesna Filipović

Naziv organizacije/institucije: Udruženje "Centar za edukaciju mladih"
Pravno sjedište: Bosanska 131, 72270 Travnik
Pravni zastupnik: Adis Arnautović

Naziv organizacije/institucije: Javna zdravstvena ustanova Dom zdravlja Doboj
Pravno sjedište: Ul. Nemanjina 18, 74000 Doboj
Pravni zastupnik: dr. Radoslav Nikolić

Naziv organizacije/institucije: Nadbiskupijski centar za pastoral mladih „Ivan Pavao II“
Pravno sjedište: Gatačka 18, 71000 Sarajevo
Pravni zastupnik: vlč. Šimo Maršić

Opći cilj

Obezbjediti zdravo i sigurno okruženje za djecu i mlade u Bosni i Hercegovini.

Specifični ciljevi

1. Izgraditi kapacitete Mreže RIPPO za strateško zagovaranje strukturalnog integriranja oblasti prevencije ovisnosti u političke, zdravstvene, sigurnosne i omladinske programe u Bosni i Hercegovini.
2. Ojačati stručne resurse članica Mreže RIPPO za kvalitetno upravljanje, realizaciju i razvoj praktičnih programaprevencije ovisnosti sa djecom i mladima u lokalnim zajednicama.

1. Obaveze članica Mreže RIPPO

Članice Mreže RIPPO se obavezuju da će upotpunosti podržavati definirani akcioni plan za uspostavljanje i razvoj Mreže do kraja 2020. godine i:

- Integrirati oblast prevencije ovisnosti i unaprjeđenja zdravlja djece i mladih u vlastite strategije i programe na nivou organizacija.
- Omogućiti učešće profesionalaca i profesionalki ispred svake članice na dodatnim stručnim usavršavanjima na polju prevencije ovisnosti.
- Osigurati u skladu sa mogućnostima neophodne resurse za realizaciju praktičnih programa prevencije ovisnosti u lokalnim zajednicama.
- Pružati kontinuiranu podršku profesionalcima/kama iz vlastitih organizacija za što kvalitetniju provedbu lokalnih projekata.

Rukovodioci/predstavnici članica Mreže RIPPO su dužni učestvovati u procesima razvoja kapaciteta Mreže (izrada strateškog i akcionog plana, procesa rada Mreže i sl.), te u izradi dugoročnije projektne aplikacije koja treba osigurati održivost rada Mreže, kao i u procesima lobiranja kod međunarodnih donatora.

Rukovodioci/predstavnici članica Mreže se obavezuju aktivno učestvovati u procesima zagovaranja sistemskog integriranja prevencije ovisnosti u BiH.

2. Prava članica Mreže RIPPO

- Korištenje stručnih resursa Mreže u pripremi i realizaciji programa prevencije ovisnosti u lokalnim zajednicama.
- Delegiranje po jednog ovlaštenog predstavnika/cu u Koordinaciono vijeće Mreže RIPPO.
- Delegiranje minimalno po jednog predstavnika/cu za dodatno usavršavanje i profesionalizaciju u oblasti prevencije ovisnosti.

3. Tijela Mreže

Koordinaciono vijeće Mreže RIPPO

Koordinaciono vijeće Mreže RIPPO sastoji se od po jednog ovlaštenog predstavnika/ce svih članica Mreže. Na konstituirajućoj sjednici se bira predsjedavajući/a koordinacionog vijeća. Koordinaciono vijeće djeluje u kontinuitetu tokom godine i sastaje se po potrebi, a najmanje jednom kvartalno, radi usklađivanja aktivnosti članova Mreže, utvrđivanja prijedloga zajedničkih aktivnosti u narednom periodu, radu na realizaciji planiranih aktivnosti za tekuću godinu, a njegovi članovi učestvuju u organiziranju i koordinaciji rada zajedničkih radnih timova. Koordinaciono vijeće određuje ulogu pojedinih članova Mreže kao što je istupanje pred javnošću, tehnička podrška funkcioniranju Mreže i druga pitanja koja se javljaju u toku rada Mreže, ujedno donosi i odluke o prijemu i istupanju članova.

Sekretarijat Mreže RIPPO

- Osigurava resurse za djelovanje Koordinacionog vijeća Mreže, kao i resurse za operativnu realizaciju definiranih mjera iz akcionog plana.
- U saradnji sa Koordinacionim vijećem učestvuje u procesima razvoja Mreže.
- Pruža stručnu podršku članicama Mreže u planiranju i realizaciji programa i projekata prevencije ovisnosti.
- Zajedno sa Koordinacionim vijećem učestvuje u jačanju saradnje između članica Mreže RIPPO.

Sekretarijat Mreže je uspostavljen unutar *Udruženja za prevenciju ovisnosti NARKO-NE*, koje je jedna od članica Mreže.

4. Statusna pitanja Mreže RIPPO

U fazi formiranja, Mreža neće imati status pravnog lica, predstavljat će neformalnu asocijaciju zasnovanu na Sporazumu o uspostavljanju Mreže RIPPO, koji potpisuju predstavnici članova osnivača Mreže, uz mogućnost proširenja članstva. Svi članovi Mreže su ravnopravni i prilikom odlučivanja imaju jedan glas. Članovi Mreže staraju se o tome da povjerljive podatke i informacije, kao i dokumenta do kojih dođu tokom aktivnosti u okviru Mreže čuvaju u tajnosti i ne otkrivaju ih neovlaštenim trećim licima. Nesuglasice oko funkcioniranja Mreže, članovi rješavaju isključivo dogovorom.

5. Prelazne i završne odredbe

- O promjeni Sporazuma odlučuje Koordinaciono vijeće. Postupak promjene vrši se na isti način na koji je donesen.
- Mreža RIPPO se formira danom potpisivanja ovog Sporazuma od strane članica.
- Mreža se formira na neodređeno vrijeme.
- Naknadno pristupanje Mreži uslovljeno je preporukom najmanje jednog aktivnog člana Mreže i definirat će se Aneksom ovog sporazuma.
- Svaki član Mreže je slobodan samoinicijativno da istupi iz Mreže jednostranim otkazivanjem Sporazuma i definirat će se Aneksom ovog sporazuma.

Sarajevo, 11. 04. 2018.

Udruženje za prevenciju ovisnosti NARKO-NE



Udruženje "Centar za edukaciju mladih"




Javna ustanova "Terapijska zajednica Kampus"
Kantona Sarajevo



Javna zdravstvena ustanova Dom zdravlja Doboj



Omladinski klub "Pod istim suncem"



Nadbiskupijski centar za pastoralnu mladost "Ivan Pavao II"



Udruženje Institut za razvoj mladih KULT

